

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Informacija sa 13. sjednice Predstavničkog doma	1
Potpisani ugovori o korištenju sredstava Fonda za zaštitu okoliša FBiH u vrijednosti 5.663.000KM	2
Održana 7. Skupština NALAS-a	3
U sklopu projekat "Jačanje kapaciteta saveza općina i gradova u BiH" organizovana studijska posjeta R. Bugarskoj	4
Općini Stari Grad Sarajevo priznanje "Evropski otvoreni grad"	4
Održan savjetodavni odbor CDMA projekta	5
Održana radionica Beacon sheme	5
Potpisan ugovor sa EBRD-om o vodosnabdijevanju u Čapljini	5
Čapljina dobila 10 mil.eura za izgradnju i rekonstrukciju vodovoda	6
Fondacija Mozaik potpisala memorandum o razumijevanju sa 27 općina	6
Potpisan Memorandum o razumijevanju za "stvaranje mreže energetski efikasnih glavnih gradova jugoistočne Evrope"	7
Ispitivanje stepena zadovoljstva građana kvalitetom i dostupnošću javnih usluga	7
Općina Tešanj predstavljena na Brown forumu	8
USAID, UNDP i GIZ predstavili zajednički izdavački projekat EE biblioteke u BiH	8
Posjeta predsjedavajućeg Odbora Instituta Evropskih regija Bosni i Hercegovini	9
10. Evropska sedmica regiona i gradova	10
Seminar-Općinske platforme za lok. strat. razvoj	10
Izdana nova knjiga-Konkurentnost lokalne zajednice kroz razvoj privrede i e-uprave	11

Bilten Saveza općina i gradova Federacije Bosne i Hercegovine

INFORMACIJA SA 13. REDOVNE SJEDNICE PREDSTAVNIČKOG DOMA PARLAMENTA FEDERACIJE BiH

SARAJEVO, 12. april/travanj

– Predstavnički/Zastupnički dom Parlamenta Federacije BiH prihvatio je danas većinom glasova Prijedlog zakona o izmjeni Zakona o izvršnom postupku.

Prijedlogom ovog zakona predviđeno je, da Federacija, kantoni i općine planiraju prema mogućnostima budžetski iznos za izvršavanje obaveza koje im nastaju na osnovu pravosnažnih sudskih presuda, odnosno da se u Zakonu o izvršnom postupku ("Službene novine Federacije BiH", br. 32/03, 52/03, 33/06, 39/06 i 39/09) u članu 138. briše stav (6).



Prijedlog zakona o izmjenama Zakona o plaćama i naknadama u organima vlasti FBiH, također je, većinom glasova prihvaćen na današnjoj sjednici. Ovim Zakonom daje se mogućnost kantonalnim, odnosno općinskim i gradskim vlastima da, u dogovoru sa sindikatom, utvrde osnovicu u skladu sa svojim finansijskim mogućnostima. Članom 1. ovog Zakona predviđeno je da će Vlade kantona, odnosno općinski načelnici i gradonačelnici u dogovoru sa sindikatom utvrditi osnovicu za obračun plaća. Ne može se utvrditi veća osnovica od osnovice utvrđene na federalnom nivou.

Članom 2. ovog Zakona predviđeno je da će kantoni, općine i gradovi donijeti svoje propise o plaćama i naknadama uposlenih u organima vlasti kojima će utvrditi koeficijente i platne razrede zaposlenih. Za izabrane dužnosnike, nosioce izvršnih funkcija i savjetnike u kantonima, gradovima i općinama koeficijenti će biti utvrđeni od strane kantonalnih skupština i općinskih i gradskih vijeća, s tim da ne mogu biti veći od utvrđenih za izabrane dužnosnike, nosioce izvršnih funkcija i savjetnike kako je utvrđeno članom 9. Zakonom o plaćama i naknadama u organima vlasti FBiH. Predviđeno je da će kantoni, općine i gradovi utvrditi isti koeficijenti za ista radna mjesta u okviru istih platnih razreda za državne službenike i namještenike kao na federalnom nivou. Riječ je, dakle, o mogućnosti i obavez organa vlasti da, u dogovoru sa sindikatom, utvrde osnovicu za obračun plata u skladu s raspoloživim sredstvima za te namjene, odnosno, u skladu sa finansijskim mogućnostima svakog od njih.

Zastupnički dom Federalnog parlamenta nije na današnjoj sjednici odobrio Prijedlog zakona o izmjenama i dopunama Zakona o prodaji stanova na kojima postoji stanarsko pravo, kojeg je u parlamentarnu proceduru dostavila Federalna vlada.

Predloženim izmjenama je bilo predviđeno da nosioci stanarskog prava ne mogu otkupljivati stanove koji se vode kao privatno vlasništvo ako zahtjev za povrat podnese vlasnik, odnosno njegov nasljednik prvog reda.

U slučaju da vlasnik ili njegov nasljednik ne bi blagovremeno podnijeli zahtjev ili kad bi se utvrdilo da vlasnika ili nasljednika prvog reda nema, nosilac stanarskog prava bi dobio priliku za otkup.

U suprotnom, imao bi pravo na zamjenski stan, predlagano je u tekstu koji nije dobio podršku.

Zakon o dopuni Zakona o izboru, prestanku mandata, opozivu i zamjeni načelnika općina u Federaciji BiH je usvojen u formi nacrtu jer poslanici nisu izglasali da se ovaj Zakon razmatra kako je predloženo u formi prijedloga po proceduri hitnog postupka, te je vraćen u redovnu proceduru i razmatran, odnosno usvojen u formi nacrtu.

POTPISANI UGOVORI O KORIŠTENJU SREDSTAVA FONDA ZA ZAŠTITU OKOLIŠA FBIH ZA FINANSIRANJE PROJEKATA IZ PODRUČJA ZAŠTITE OKOLIŠA U VRIJEDNOSTI OD 5.663.000 KM.



SARAJEVO, 4. april/travanj – U Sarajevu su jučer u sjedištu Vlade Federacije BiH potpisani ugovori između Fonda za zaštitu okoliša FBIH i korisnika sredstava ovog fonda za 2011. godinu sa područja osam kantona u FBIH.

Riječ je o 28 aplikacija koje su se prijavile na Javni poziv za korištenje sredstava Fonda za zaštitu okoliša FBIH za 2011. godinu, a radi realizacije programa, projekata i sličnih aktivnosti iz područja zaštite okoliša.

Potpisivanju ugovora prisustvovali su i premijer FBIH Nermin Nikšić i federalna ministrica okoliša i turizma Branka Đurić.

Harbinja je ovom prilikom pojasnio novinarima da današnje potpisivanje predstavlja zadnji ciklus potpisivanja u okviru programa za zaštitu okoliša u 2011. godini.

Prema njegovim riječima, sredstva iz ovog programa su odobrena za projekte zaštite okoliša, i to uglavnom iz oblasti zaštite voda, zaštite izvorišta, rješavanja problema vodosnabdijevanja, izgradnje prečištača za otpadne vode itd.

Ministrica B. Đurić je naglasila da su u okviru programa zaštite okoliša za 2011. odobrena sredstva od oko 20 miliona KM.

V.d. načelnika Općine Novi Grad Sarajevo Aner Šuman, koji je jedan od potpisnika ugovora, zahvalio se Vladi FBIH, Fondu za zaštitu okoliša FBIH i Federalnom ministarstvu okoliša i turizma na odobrenim sredstvima, jer će, kako je kazao "ova sredstva pomoći rješavanju problema na lokalnom nivou". "Općina Novi Grad je aplicirala sa dva projekta, a to je završetak treće faze naseljavanja Buća Potoka kao i završavanje druge faze separatne kanalizacije. Za ove projekte odobrena su nam sredstva od oko 450.000 KM", istakao je Šuman.

Ugovore su potpisali direktor Fonda za zaštitu okoliša FBIH Safet Harbinja i predstavnici korisnika sredstava (jedinica lokalne samouprave, javnih komunalnih preduzeća, javnih ustanova, privrednih društava) za sljedeće projekte:

- **Općina Orašje** za projekat "Izrada glavnog projekta prečištača otpadnih voda" - vrijednost ugovora 50.000,00 KM,
- **Općina Tuzla** za projekat "Izgradnja fekalne kanalizacije u naselju Mandići, MZ Tušanj-općina Tuzla" - vrijednost ugovora 200.000,00 KM,
- **Općina Novi Travnik** za projekat "Fekalna kanalizacija za naselja Pećine i Ruda, općina Novi Travnik" - vrijednost ugovora 100.000,00 KM,
- **Općina Busovača** za projekat "Zaštita izvorišta vode za piće sa vodozahvata Topalovića i Duboki potok gradskog vodovoda općine Busovača kroz izgradnju kanalizacione mreže i kolektora u naselju Pridolci" - vrijednost ugovora 200.000,00 KM,
- **Općina Travnik** za projekat "Izrada projektne dokumentacije za zaštitu vodnih resursa izvorišta Bašbunar, Travnik" - vrijednost ugovora 25.000,00 KM,
- **Općina Trnovo** za projekat "Izgradnja postrojenja za tretman otpadnih voda" - vrijednost ugovora 200.000,00 KM,
- **Općina Stari Grad** za projekte "Dovršenje dijela kanalizacione mreže u MZ Mošćanica-zaštita rijeke Mošćanice" - vrijednost ugovora 100.000,00 KM i "Rješavanje problema vodosnabdijevanja područja Borija u općini Stari Grad" - vrijednost ugovora 28.000,00 KM,
- **Općina Hadžići** za projekat "Izgradnja fekalne kanalizacije naselja: Kučice, Grivići, Vrančići, Drozgometa, Selimovići i Koščan" - vrijednost ugovora 200.000,00 KM,
- **Općina Visoko** za projekte "Fekalna kanalizacija MZ Gračanica-Veliko Čajno" - vrijednost ugovora 50.000,00 KM i "Tretman otpadnih voda na gradskom groblju u Visokom" - vrijednost ugovora 100.000,00 KM,
- **Općina Lukavac** za projekat "Odvodnja površinskih voda sa područja Doležal u Lukavcu" - vrijednost ugovora 200.000,00 KM,
- **Općina Banovići** za projekat "Izgradnja fekalne kanalizacije u zoni B" - vrijednost ugovora 100.000,00 KM,
- **Općina Ilidža** za projekte: "Izrada projektno-tehničke dokumentacije za hortikulturno uređenje vodozaštitne zone i aktivnosti na sanaciji i obnovi postojećih aleja, te projekat nove Aleje Ilidža-Vrelo Bosne" - vrijednost ugovora 60.000,00 KM i "Rješavanje problema u vodosnabdijevanju područja Rakovica" - vrijednost ugovora 300.000,00 KM,
- **Općina Dobretići** za projekat "Vodovod Suhi vrh-Brnjići-Pavlovići-Dobretići" - vrijednost ugovora 100.000,00 KM,



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Riječ je o 28 aplikacija koje su se prijavile na Javni poziv za korištenje sredstava Fonda za zaštitu okoliša FBIH za 2011. godinu, a radi realizacije programa, projekata i sličnih aktivnosti iz područja zaštite okoliša.



- **Općina Ključ** za projekat "Snabdijevanje vodom visoke zone Rejzovića: Izgradnja sistema za povećanje pritiska" - vrijednost ugovora 30.000,00 KM,
- **Općina Novi Grad Sarajevo** za projekte "Izvođenje radova na regulaciji potoka Buća potok-III faza" - vrijednost ugovora 300.000,00 KM i "Izvođenje radova na izgradnji II faze separate kanalizacione mreže u ul. Aleja Bosne srebrene (naselje Dobrinja A) i Esada Miđića" - vrijednost ugovora 150.000,00 KM,
- **Natron Hayat d.o.o. Maglaj** za projekat "Odvođenje i konačno zbrinjavanje mulja koji nastaje na postrojenju za pripremu tehnološke vode, Natron Hayat d.o.o." - vrijednost ugovora 100.000,00 KM,
- **McCann Ericson Sarajevo** za projekat "Jačanje javne svijesti o značaju zaštite voda" - vrijednost ugovora 50.000,00 KM,
- **JKP Komunalac d.o.o. Busovača** za projekat "Uređenje i zaštita izvorišta Crni potok" - vrijednost ugovora 50.000,00 KM,
- **Zemaljski muzej BiH** za projekat "Jačanje istraživačkih kapaciteta i zaštita zbirke Odjeljenja za prirodne nauke" - vrijednost ugovora 50.000,00 KM,
- **JP Vodovod i kanalizacija d.o.o. Zenica** za projekat "Izgradnja kanalizacione mreže ul. Josipovića put i 9. maj u Zenici (po projektu: Glavni projekat kanalizacione mreže ul. Josipovića put, Hamida i 9. maj u Zenici, projektant JP Vodovod i kanalizacija d.o.o. Zenica; br. projekta 712/295)" - vrijednost ugovora 100.000,00 KM,
- **Pobjeda Rudet dd Goražde** za projekat "Rekonstrukcija i modernizacija postrojenja za obradu tehnoloških otpadnih voda-objekta 121" - vrijednost ugovora 200.000,00 KM,
- **KJKP Vodovod i kanalizacija doo Sarajevo** za projekat "Rekonstrukcija dijela fekalnog kolektora Bjelašnica-Hadžići na dionici Mrzište-Radova voda i hotel Igman-Grkarica" - vrijednost ugovora 1.500.000,00 KM,
- **Institut za genetičko inženjstvo i biotehnologiju** za projekat "Procjena početnog stanja genetičkog diverziteta salmonida u cilju zaštite autohtonih ihtio populacija u rijeci Neretvi i njenim pritokama" - vrijednost ugovora 20.000,00 KM, te
- **Ministarstvo prostornog uređenja, prometa i komunikacija i zaštite okoline ZDK** za "Projekat zbrinjavanja infektivnog otpada iz zdravstvene djelatnosti na području ZDK" - vrijednost ugovora 1.100.000,00 KM.

Fond je od 2010. godine putem javnih poziva učestvovao u implementaciji 134 projekta na teritoriji čitave FBiH kojima se pruža finansijska podrška iz oblasti: tretmana otpadnih voda (kanalizacionih sistema sa prečištačima za komunalne i tehnološke otpadne vode), oblasti zaštite površinskih i podzemnih voda, oblasti zaštite voda (zaštite flore i faune), jačanja javne svijesti o značaju zaštite voda, a naročito zaštite i očuvanja intenzivno iskorištavanih izvorišta pitke vode-vodozaštitne zone, a za šta su dodijeljena sredstva od preko 17 miliona KM.

ODRŽANA SEDMA SKUPŠTINA NALAS-a

USVOJENA DEKLARACIJA O FISKALNOJ DECENTRALIZACIJI

Sedma sjednica Skupštine NALAS-a (Mreže asocijacija lokalnih i regionalnih vlasti Jugoistočne Evrope), koju čine po dva gradonačelnika/načelnika iz svake asocijacije (članice Nalas – a), održana je 29. i 30. marta/ožujka 2012. godine u Prištini, uz veliku podršku od strane asocijacije kosovskih općina.

Više od 100 učesnika iz jugoistočne Evrope i šire je prisustvovalo sjednici Skupštine. Ispred Saveza općina i gradova Federacije BiH prisustvovali su načelnici Ivan Vukadin (Općina Tomislavgrad) i Bego Birparić (Općina Banovići) – delegati Nalas Skupštine i Vesna Travljanin (moderator Skupštine).

Na Generalnoj Skupštini, svi NALAS - ovi bivši i budući predsjednici su podijelili svoje poglede o viziji NALAS - ove mreže. Također su se oglasili za nastavak „Sporazuma gradonačelnika u jugoistočnoj Europi“. Osim toga, gradonačelnici/načelnici iz jugoistočne Evrope predstavili su svoje najuspješnije projekte koji su doprinijeli poboljšanju decentralizacije u različitim općinskim, funkcijskim područjima u 2011. godini.



*Fond je od 2010. godine
putem javnih poziva
učestvovao u
implementaciji 134 projekta
na teritoriji čitave FBiH*





Gospodin Ozgen Keskin, načelnik Općine Yildirim Bursi (Turska) je izabran od strane Skupštine za novog predsjednika NALAS-a

Ekonomske turbulencije u posljednjih pet godina su značajno uticale na ekonomiju jugoistočne Evrope. Uopšteno, period nije bio dobar za lokalne samouprave u regionu i to je dovelo da lokalne vlasti i njihovi lideri pozovu svoje centralne vlasti za obnavljanje posvećenosti fiskalnoj decentralizaciji. Ovaj poziv je predstavljen na sjednici Skupštine Mreže asocijacija lokalnih i regionalnih vlast Jugoistočne Evrope (NALAS).

Deklaracija o obnavljanju posvećenosti Fiskalne decentralizacije u jugoistočnoj Evropi, koja je usvojena od strane Generalne skupštine, poziva centralne vlasti „da sistematski preispita rad i funkcionisanje međuvladinog granta i mehanizma prenosa i da posvećuju posebnu pažnju na poboljšanje mehanizma za izjednačavanje koji su slabi u većini regiona“.

Gospodin Ozgen Keskin, načelnik Općine Yildirim Bursi (Turska) je izabran od strane Skupštine za novog predsjednika NALAS – a, koji će na toj funkciji zamijeniti Vladimira Moskova. On će usko sarađivati na tom položaju s potpredsjednicima: Anton Peršakom, gradonačelnikom Općine Trzin (Slovenija) i Đuro Bukvićem, načelnikom Općine Lukač (Hrvatska).



U SKLOPU PROJEKTA „JAČANJE KAPACITETA SAVEZA OPĆINA I GRADOVA U BIH“ ORGANIZOVANA STUDIJSKA POSJETA REPUBLICI BUGARSKOJ

U periodu od 08. do 11. aprila/travnja 2012. godine, u sklopu projekta „Jačanje kapaciteta saveza općina i gradova u Bosni i Hercegovini“, organizovana je studijska posjeta Republici Bugarskoj.

Domaćin posjete bilo je Nacionalno udruženje općina u Republici Bugarskoj.

Učesnici studijske posjete su bili predavački eksperti koji su učestvovali u izradi edukacionih modula za saveze općina i gradova, predstavnik SIDA-e (Švedska organizacija za međunarodnu razvojnu saradnju), projekt menadžeri projekta „Jačanje kapaciteta saveza općina i gradova u Bosni i Hercegovini“ i predstavnici saveza općina i gradova.

U okviru ove studijske posjete učesnici su se prije svega upoznali sa značajem i nadležnostima lokalnih vlasti u Republici Bugarskoj, zatim o ulozi Nacionalnog udruženja općina u Republici Bugarskoj kao i o drugim pitanjima kao što su: politika izgradnje upravnog kapaciteta općina, organizacija edukativnog procesa, nadležnostima i ulozi Centra za obuku lokalnih vlasti, ključnim faktorima za uspjeh edukacija, te o aktivnostima općina u pravcu povećanja stručne kvalifikacije općinske uprave.

Učesnici studijske posjete iz Bosne i Hercegovine su se složili da je ovo bila vrlo korisna posjeta u smislu sticanja novih znanja i iskustava iz oblasti organiziranja i provođenja edukativnih procesa i da ćemo u našoj praksi primijeniti dobra iskustva iz Bugarske.



OPĆINI STARI GRAD SARAJEVO PRIZNANJE "EVROPSKI OTVORENI GRAD"

SARAJEVO, 12. april/travanj – Evropski pokret u BiH dodijelio je priznanje "Evropski otvoreni grad" Općini Stari Grad Sarajevo, dok je načelnik Ibrahim Hadžibajrić nominovan za priznanje "Najbolji načelnik Federacije BiH", saopćeno je iz Odsjeka za odnose s javnošću Općine Stari Grad Sarajevo.

Plaketa "Evropski otvoreni grad" Općini Stari Grad Sarajevo, bit će uručena načelniku Hadžibajriću u ponedjeljak, 16. aprila/travnja 2012. godine.

Evropski pokret u BiH tradicionalno dodjeljuje priznanje "Evropski otvoreni grad" lokalnim zajednicama sa kojima su sklopili "Evropsko partnerstvo" i potpisali Memorandum o saradnji, čime žele na svojevrsan način da "identificiraju" proevropske sredine i načelnike sa kojima dijele viziju demokratskog, naprednog, evropskog i civiliziranog društva.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocehtar.ba
www.balkanfund.org
www.eurelmed.com
www.eacea.ec.europa.eu



Grb Općine Stari Grad Sarajevo

ODRŽAN SASTANKA SAVJETODAVNOG ODBORA CDMA PROJEKTA

Dana 04.04.2012. godine u Istočnom Sarajevu je održan treći sastanak Savjetodavnog odbora projekta „Jačanje kapaciteta saveza općina i gradova u Bosni i Hercegovini“ (CDMA). Sastanku su prisustvovali: Vinko Radovanović - gradonačelnik Grada Istočno Sarajevo, Ibrahim Hadžibajrić - načelnik Općine Stari Grad Sarajevo, Erik Boven - vođa tima CDMA VNG International, Mario Vignjević - SIDA, Vesna Travljanin - direktor Saveza općina i gradova Federacije BiH, Brano Jovičić - Generalni sekretar Saveza općina i gradova Republike Srpske, Vlado Alilović - predsjednik Predsjedništva Skupštine Saveza općina i gradova Federacije BiH i načelnik Općine Vitez i Selma Fišek - Savez općina i gradova Federacije BiH. Ovom prilikom je razgovarano o dosadašnjem napretku CDMA projekta kao i o budućim aktivnostima planiranim za drugu fazu projekta. Na sastanku je usvojen Šestomjesečni izvještaj za period maj/svibanj – oktobar/listopad 2011. godine, te je zaključeno da osnovni prioriteti koje se trebaju postići su finansijska samoodrživost oba saveza općina i gradova i jačanje pozicija saveza prema višim nivoima vlasti.



CDMA

Capacity Development Municipal Association
in Bosnia and Herzegovina

ODRŽANA RADIONICA BEACON SCHEME



stranici Grada Mostara.

Radionici su u ime Grada Mostara sudjelovali Radmila Komadina, glavna savjetnica Gradonačelnik, Predrag Šupljeglav, načelnik Odjela za organizaciju pravne poslove, opću upravu, civilnu zaštitu i vatrogastvo i Miroslav Landeka, savjetnik za odnose s javnošću.

Svečana ceremonija dodjele nagrada 6. kruga Beacon scheme održat će se u drugoj polovini aprila u Brčko Distriktu.

MOSTAR, 06. april/travanj – U svrhu pripreme svečane ceremonije i aktivnosti na širenju dobrih praksi, koje je Grad Mostara pokazao u 6. krugu Beacon scheme, Savez općina i gradova FBiH i Savez općina i gradova Republike Srpske organizirali su u Mostaru radionicu „Kako promovirati Beacon općinu“, navodi se na web



POTPISAN UGOVOR SA EBRD-om O VODOSNABDIJEVANJU U ČAPLJINI

SARAJEVO, 3. april/travanj – Zamjenik predsjedavajućeg Savjeta ministara BiH i ministar finansija i trezora dr Nikola Špirić i izvršni direktor Evropske banke za obnovu i razvoj (EBRD) za srednju i jugoistočnu Evropu Žan-Mark Peteršmit potpisali su danas ugovor o zajmu u vrijednosti pet miliona eura namijenjen za projekat vodosnabdijevanja u općini Čapljina, navodi se na web stranici Ministarstva.

Na osnovu ovog ugovora biće omogućeno finansiranje proširenja vodovodne infrastrukture u prigradskim područjima općine Čapljina, te zamjene zastarjelih vodomjera.

Nakon potpisivanja ugovora, ministar Špirić naglasio je da je ovaj projekat od izuzetnog značaja za stanovnike općine Čapljine.

"Ovim projektom biće riješeni dugogodišnji problemi u vodosnabdijevanju stanovnika Čapljine. Planirano je da svi radovi budu završeni do kraja juna 2015. godine, čime će se znatno smanjiti gubici u postojećoj vodovodnoj mreži, a stvorice se i uslovi za priključenje novih korisnika na javni sistem vodosnabdijevanja", istakao je ministar Špirić.

Odobrena sredstva, od kojih je 4,5 miliona KM obezbjeđeno iz IPA fondova Evropske unije, koristeće Javno preduzeće "Komunalno" Čapljina.

"Uz podršku EBRD preduzeće 'Komunalno' Čapljina uskladiće svoje usluge sa međunarodnim standardima i ojačati svoju operativnu efikasnost", rekao je Peteršmit.

Ministar Špirić je naglasio da je EBRD najznačajniji finansijer u BiH, te podsjetio da je putem ove banke do sada uloženo oko 1,3 milijarde evra putem 97 projekata koji se uglavnom odnose na poboljšanje životnih uslova u lokalnim zajednicama.



"Planirano je da svi radovi budu završeni do kraja juna 2015. godine, čime će se znatno smanjiti gubici u postojećoj vodovodnoj mreži, a stvorice se i uslovi za priključenje novih korisnika na javni sistem vodosnabdijevanja"



European Bank
for Reconstruction and Development





Općina Čapljina



Grb Općine Čapljina

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.chc-bih-mne.org
www.srb-bih.org
www.chc-cro-bih.net
www.programmed.eu
www.tasco.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Fondacija Mozaik realizuje program Omladinske banke u BiH uz podršku Američke agencije za međunarodni razvoj (USAID) i kroz partnerstvo sa 27 općina



USAID
FROM THE AMERICAN PEOPLE

Peteršmit je upozorio da se više od polovine odobrenih sredstava ne koristi, te izrazio očekivanje da će se ubrzati povlačenje novca i realizacija odobrenih projekata. Ministar finansija i trezora BiH ocijenio je da se što prije moraju preduzeti koraci kako BiH ne bi dodatno trošila novac za plaćanje rezervacije sredstva za odobrene projekte koje korisnici kredita nisu realizovali.

ČAPLJINA DOBILA 10 MILIJUNA EURA ZA IZGRADNJU I REKONSTRUKCIJU VODOVODA

Jučer je svečano potpisan projektni ugovor i ugovor o podršci između Europske banke za obnovu i razvoj i Općine Čapljina i Javnog Komunalnog poduzeća Čapljina, navodi se na web stranici Općine Čapljina.

"Ovo je veliki dan za Općinu Čapljina koja čini veliki korak u rješavanju vodosnabdijevanja na cijelom svom prostoru, kako na projektu Dubravska visoravan tako i na zapadnom dijelu u naseljima Trebižat, Prćavci i Zvirovići", istaknuo je čapljinski načelnik dr. Smiljan Vidić. Radi se o ukupno deset milijuna Eura od čega EBRD daje pet milijuna kredita a 4,5 milijuna Eura su grant sredstva Europske komisije. Uz sve to španjolska i češka Vlada daju 500 tisuća Eura tzv. donatorskih tehničkih sredstava. To su jako povoljna kreditna sredstva za Općinu Čapljina koja će tako vraćati samo pet milijuna Eura i to, kako je istaknuo načelnik Vidić, iz svojih proračunskih sredstava. Sa realizacijom ovog projekta, više od dvije tisuće novih korisnika trebalo bi biti priključeno na javni vodovodni sistem.



FONDACIJA MOZAIK POTPISALA MEMORANDUME O RAZUMIJEVANJU SA 27 OPĆINA U BIH ZA PROGRAM OMLADINSKE BANKE

Fondacija Mozaik potpisala je u periodu od 5 do 30. marta/ožujka 2012. godine sa 27 općina iz BiH memorandume o razumijevanju za osnivanje i razvoj 27 omladinskih banaka u periodu mart 2012. - februar 2015. godine.

Program "Omladinske banke

BiH" ima za cilj da poveća međunarodnu saradnju i učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

Fondacija Mozaik realizuje program Omladinske banke u BiH uz podršku Američke agencije za međunarodni razvoj (USAID) i kroz partnerstvo sa 27 općina: Doboj Jug, Bosanski Petrovac, Brod, Bugojno, Gornji Vakuf-Uskoplje, Kakanj, Konjic, Kotor Varoš, Kozarska Dubica, Lopare, Modriča, Mrkonjić Grad, Novi Grad, Novi Travnik, Pelagićevo, Petrovo, Prozor-Rama, Srbac, Šekovići, Šipovo, Tešanj, Usora, Vukosavlje, Zvornik, Zavidovići, Žepče i Živinice.

U 2013. godini će program biti proširen na još pet novih općina u BiH.

U 2012. godini 27 omladinskih banaka podržaće 200-250 projekata neformalnih grupa mladih u 27 općina, čija će očekivana vrijednost biti oko 900.000 KM.

Sredstva za realizaciju ovih projekata će obezbijediti Fondacija Mozaik, uz podršku USAID-a, 27 partnerskih općina i neformalne grupe mladih u svojim zajednicama kroz mobilizaciju lokalnih resursa.

Trenutno u 17 općina omladinske banke imaju otvoren poziv do 20. aprila/travnja za projekte do 2.000 KM neformalnih grupa mladih, a u 10 općina do 20. aprila/travnja je otvoren poziv za izbor članova odbora omladinskih banaka.



POTPISAN MEMORANDUM O RAZUMIJEVANJU ZA "STVARANJE MREŽE ENERGETSKI EFIKASNIH GLAVNIH GRADOVA U JUGOISTOČNOJ EVROPI"



SARAJEVO, 5. april/travanj – U prostorijama Grada Sarajeva danas je održana ceremonija potpisivanja Memoranduma o razumijevanju s ciljem „Stvaranje mreže energetski efikasnih glavnih gradova u jugoistočnoj Evropi“ te implemetaciju projekta „Jačanje mreže energetski efikasnih glavnih gradova u jugoistočnoj Evropi“. Pored domaćina, gradonačelnika Sarajeva Alije Behmena, ovaj važan dokument potpisali su i gradonačelnik Frajburga Dieter Zalomon, gradonačelnik Zagreba Milan Bandić, zamjenik gradonačelnika Tirane Edmond Panariti, sekretar Grada Skoplja Gordana Klincharova, glavni administrator Grada Podgorice Željeko Vuković, rukovodilac Otvorenog regionalnog fonda za jugoistočnu Evropu, Aleksandra Hilbig i menadžer sektora, Otvoreni regionalni fond – energetska efikasnost u jugoistočnoj Evropi, Johannes Elle. Prema potpisanim Memorandumu, svrha i ciljevi Mreže, između ostalog, bit će: razmjena znanja i iskustava iz oblasti mjera koje se odnose na jačanje energetske efikasnosti i smanjenje ispuštanja ugljen dioksida, razmjena znanja i iskustava koja se odnose na organizaciju i realizaciju energetskih sedmica u cilju promocije i jačanja javne svijesti o energetskej efikasnosti, te zajedničko nastupanje na događajima regionalnog i međunarodnog karaktera koji se tiču energetske efikasnosti i obnovljivih izvora energije.

Obraćajući se novinarima, gradonačelnik Sarajeva Alija Behmen je istaknuo da je energetska sigurnost, koja je jedna od velikih tema budućnosti, prvi poslijeratni zajednički regionalni projekat. „Stvaranje mreže energetski efikasnih glavnih gradova u jugoistočnoj Evropi doživljam kao društveno veoma korisnu aktivnost u cilju zaštite te dopinosa, a samim tim i podizanja kvaliteta življenja naših gradskih zajednica“.

Ambasadorica SR Njemačke u BiH, N.J.E. Ulrike Knoc izrazila je zadovoljstvo što njena zemlja može pružiti podršku ovom regionalnom projektu te da će ekspertiza koju su uradili „Otvoreni Regionalni Fond – Energetska efikasnost u jugoistočnoj Evropi“ i Grad Frajburg glavnim gradovima u jugoistočnoj Evropi biti sigurno od velike pomoći.

Govoreći u ime Frajburga, grada primjera koji je uspješno implementirao sistem održivog upravljanja energijom, gradonačelnik dr. Diter Zalomon je izrazio zadovoljstvo što se veliko iskustvo njegovog grada iz oblasti energetske efikasnosti može prenijeti na glavne gradove u jugoistočnoj Evropi.

Zamjenik gradonačelnika Tirane Edmond Panariti, grada koji se ove godine priključio projektu, kazao je kako za Tiranu programi iz oblasti energetske efikasnosti predstavljaju prioritet te da se njegov grad današnjim potpisivanjem obavezao na ispunjavanje uslova iz Memoranduma.

Nakon svečane ceremonije, potpisnici Memoranduma su obišli nedavno otvoreni Ured za energetske efikasnosti Grada Sarajeva (ul. Hamdije Kreševljakovića 27), prvi takvog tipa u Bosni i Hercegovini.



Sa ceremonije potpisivanja Memoranduma



Sa ceremonije potpisivanja Memoranduma

ISPITIVANJE STEPENA ZADOVOLJSTVA GRAĐANA KVALITETOM I DOSTUPNOŠĆU JAVNIH USLUGA NA LOKALNOM NIVOU

BOSANSKA KRUPA, 2. april/travanj – Udruženja građana "DEMOKRATIJA - ORGANIZOVANJE - NAPREDAK" (DON) iz Prijedora organizovalo je u prostorijama Općine Bosanska Krupa konferenciju za medije i edukaciju anketara povodom ispitivanja stepena zadovoljstva građana kvalitetom i dostupnošću javnih usluga na lokalnom nivou.

Ispitivanje stepena zadovoljstva građana kvalitetom i dostupnošću javnih usluga na lokalnom nivou provešće se istovremeno u 25 bosanskohercegovačkih općina, a obuhvatiće stanje vodovodne i kanalizacione mreže, prikupljanje i odvoz smeća, održavanje lokalnih ulica i puteva, javni prevoz, kolektivno grijanje, dostupnost i kvalitet predškolskog, osnovnog i srednjeg obrazovanja, zdravstvenih usluga itd.

Ovo ispitivanje će se izvršiti prema "PULS" metodologiji, specijalno razvijenoj za ove namjene.

Tokom mjeseca aprila posebno obučeni anketari obaviće anketiranje građana Bosanske Krupe u svim mjesnim zajednicama, te ih zamoliti da ocjenama od 1 do 5 izraze stepen (ne)zadovoljstva navedenim uslugama.

Aktivnosti se odvijaju u okviru projekta "Monitoring javnih usluga na lokalnom nivou – građani i lokalna vlast zajedno do boljih usluga", koji realizuje Centar za promociju civilnog društva, u saradnji sa udruženjima građana i uz finansijsku i moralnu podršku Fonda otvoreno društvo BiH.

U aktivnosti projekta biće uključeno više od 75 nevladinih organizacija i neformalnih grupa građana, kroz učešće u forumima, kampanji javnog zagovaranja i drugim aktivnostima projekta. Direktorica UG "DON" iz Prijedora Murisa Marić kazala je da bi se anketiranje u svim mjesnim zajednicama trebalo završiti u aprilu/travnju i zamolila sve građane za saradnju kako bi akreditovani anketari, s ciljem stvaranja boljih životnih uslova za sve, mogli brže i efikasnije obaviti posao.



Ispitivanje stepena zadovoljstva građana kvalitetom i dostupnošću javnih usluga na lokalnom nivou provešće se istovremeno u 25 bosanskohercegovačkih općina



Grb Općine Bosanska Krupa



— THE —
BROWN FORUM
APRIL 2-3 2012. OPATIJA, CROATIA

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

EE Biblioteka se sastoji od
sedam edukativnih
publikacija, zajednički
izdatih od strane USAID 3E
projekta, UNDP-a i GIZ-a



Osim Bosanske Krupe, koja je izabrana za partnera u projektu, anketiranje će se izvršiti u: Tuzli, Živinicama, Srebreniku, Tesliću, Prijedoru, Travniku, Visokom, Zenici, Zvorniku, Brčko Disktriktu BiH, te u šest općina Kantona Sarajevo.

Načelnik Općine Bosanska Krupa Armin Halitović zahvalio se na konferenciji za medije Udruženju građana "DON" što je baš Bosanska Krupa odabrana za partnera, prvenstveno zbog toga što će anketiranje koje će se provesti dati odgovor na pitanje koliko su građani zadovoljni uslugama ustanova i preduzeća čiji je osnivač Općina.

Prema riječima načelnika Halitovića, ti odgovori će biti neke od smjernica za daljnji rad lokalne uprave.

Nakon završetka anketiranja u bh. gradovima i analize, rezultati ispitivanja će biti prezentirani javnosti i donosiocima odluka s ciljem unapređenja procesa kreiranja javnih politika na lokalnom nivou usmjerenih na poboljšanje kvaliteta života građana.

Predstavnici viših nivoa vlasti biće pozvani da se uključe u rad javnih foruma, tribina i panela/okruglih stolova koji su planirani projektnim aktivnostima.



OPĆINA TEŠANJ PREDSTAVLJENA NA BROWN FORUMU

TEŠANJ, 4. april/travanj – Na poziv Ambasade SAD u BiH i organizatora The Brown forum-a, Doc.dr. Ismar Alagić, savjetnik Općinskog načelnika za pristup EU-fondovima, u ime Općinskog načelnika, predstavljao je Općinu Tešanj na vodećem regionalnom događaju u 2012. godini.

Cilj Forum-a je poticanje i produbljivanje međunarodnih poslovnih veza i odnosa između država jugoistočne Europe i SAD-a.

Tema ovogodišnjeg Brownova foruma koji je održan 2 i 3. aprila/travnja 2012. godine u Opatiji bila je "Ekonomске mogućnosti na lokalnom/općinskom nivou" sa ciljem utvrđivanja privrednih mogućnosti i prijedloga najboljih rješenja za poboljšavanje poslovne klime na nivou jedinica lokalne samouprave. Učesnici foruma iz BiH, osim Općine Tešanj su bili: općine Tuzla, Banja Luka, Foča i Zenica, zatim Ministarstvo trgovine i turizma RS i firma Alma RAS. Forum je organizovan pod pokroviteljstvom Predsjednika Republike Hrvatske i Vlade RH uz učešće velikog broja najviših zvaničnika iz političkog i privrednog života država jugoistočne Europe. Doc.dr. Alagić je podijelio iskustva Općine Tešanj na stvaranju konkurentnog poslovnog okruženja i mjera koje poduzima Općina Tešanj na stvaranju boljih uslova za ekonomski rast i otvaranje novih radnih mjesta između ostalih i slijedećim učesnicima foruma: Senatorom iz SAD-a Mark Begich-em, bivšim gradonačelnikom Anchoragea na Aljasci; Nj.E. James Faley, Ambasadorom SAD u RH i Nadanom Vidoševićem, predsjednikom Hrvatske gospodarske komore.



Ismar Alagić, savjetnik Općinskog načelnika

USAID, UNDP I GIZ PREDSTAVILI ZAJEDNIČKI IZDAVAČKI PROJEKT EE BIBLIOTEKE U BIH

SARAJEVO, 5. april/travanj – Projekat Američke agencije za međunarodni razvoj (USAID) "Ekonomija energetske efikasnosti (3E)", Razvojni program Ujedinjenih nacija (UNDP) i Njemačka organizacija za razvojnu saradnju (GIZ) predstavili su jučer u Sarajevu zajednički izdavački projekat Biblioteke energetske efikasnosti (EE Biblioteka) u BiH, koja je smještena u Američkom kutku u Biblioteci grada Sarajeva, navodi se u zajedničkom saopćenju USAID-a, UNDP-a i GIZ-a. Promocija je najavljena i u drugim gradovima širom BiH u bibliotekama gdje se nalazi Američki kutak, kojima je namijenjena donacija po 10 kompleta knjiga dostupnih kako zainteresovanim građanima, tako i stručnjacima u ovoj oblasti.




EE Biblioteka se sastoji od sedam edukativnih publikacija, zajednički izdatih od strane USAID 3E projekta, UNDP-a i GIZ-a na osnovu Memoranduma o razumijevanju između USAID-a, UNDP-a i GIZ-a potpisanog u decembru 2010. Ove knjige sadrže informacije o energetskej efikasnosti koja je povezana sa sistematskim upravljanjem energijom u gradovima, provođenjem energetskih pregleda objekata, monitoringom i mjerenjem utroška energije, stvarnim načinima finansiranja projekta implementacije mjera energetske efikasnosti kao i uređenja naših ureda u skladu sa preporukama "zelenog ureda". Knjige su pisali autori sa područja jugoistočne Evrope, koji su stručnjaci na raznim poljima energetske efikasnosti, a predstavljaju korisne reference i izvor informacija za sve one zainteresovane za energetskej efikasnost kao i one koji se profesionalno bave ovom materijom.

Publikacije su predstavili jedan od urednika EE Biblioteke Raduška Cupać iz UNDP-a i autori knjiga Dušan Gvozdenac, Petar Gvero i Semin Petrović.

Predstavljene su knjige: Vodič kroz Zeleni ured - Priručnik, Vodič kroz Zeleni ured - Radna knjiga, Priručnik za provođenje energetskih pregleda zgrada, Priručnik za sedmičnu i dnevnu analizu i interpretaciju podataka o potrošnji energije, Priručnik za upravljanje energijom u gradovima, kantonima i općinama, Ekonomska i finansijska analiza projekata energetske efikasnosti te Vlastita procjena lokalne zajednice u vezi s motivisanosti za projekte energetske efikasnosti.

Predstavljene su i dvije brošure namijenjene široj publici: Prihvatite izazov težak jednu tonu CO₂ i 200 EE savjeta - kako efikasnije koristiti energiju, živjeti kvalitetnije i plaćati manje, navodi se u saopćenju.



USAID
FROM THE AMERICAN PEOPLE

giz

INSTITUT EVROPSKIH REGIJA – POSJETA FRANZ SCHAUSBERGER-a, PREDSJEDAVAJUĆEG ODBORA INSTITUTA BOSNI I HERCEGOVINI

U okviru projekta Instituta evropskih regija (IRE) 23. maja/ svibnja u Banja Luci će biti organizovana manifestacija IRE – Dan Evrope. Radi se o aktivnom dijalogu sa građanima, članovima parlamenta, predstavnicima lokalnih i regionalnih vlasti u BiH

(predstavnicima RS-a, kantona u FBiH, gradova i općina) o budućnosti EU i njenim osnovnim vrijednostima, kao i procesu evropskih integracija BiH, javljeno je iz Ministarstva vanjskih poslova BiH. Cilj ove manifestacije i dijaloga je približavanje Evrope građanima, povećanje osjetljivosti za proces evropskih integracija u BiH, promocija evropskih vrijednosti i zajedničkog duha, unapređenje dijaloga među kulturama, jačanje evropskog identiteta, vrijednosti i demokratije i jačanje uključenja građana u sve procese EU. Manifestaciji će se održati u Muzičkom paviljonu „Staklenac“, gradski park „Petar Kočić“ od 11:00 – 13:00 sati, a prisustvovat će predsjedavajući Odbora Instituta evropskih regija i predsjedavajući Radne grupe za Zapadni Balkan u Komitetu regiona EU, prof. dr. Franz Schausberger.

Institut evropskih regija (IRE) osnovan je 21. decembra/prosinca 2004. godine kao neprofitna privatna fondacija uz podršku austrijske vlade, nekoliko regija evropskih zemalja, nekoliko preduzeća te privatnih osoba.

IRE je službeno puštena u rad 4. maja/svibnja 2005. u austrijskom saveznom uredu od strane austrijskog premijera dr. Wolfganga Schüssela. Cilj IRE je jačanje političke i ekonomske pozicije evropskih regija stvaranjem mreža i saradnjom. IRE organizira manifestacije koje političkim predstavnicima regija i općina pružaju mogućnost za susret s predstavnicima Evropske unije, ekonomskog sektora, ulagačima i drugim stručnjacima. Izbor tema za te manifestacije je, prije svega- prilagođen zahtjevima i potrebama regija članica. Pored toga, članovi IRE redovno dobivaju informacije o njima važnim stvarima s područja evropske integracije.

IRE trenutno sarađuje s 95 članova iz 14 evropskih zemalja. Osnivanjem IRE stvorena je nadregionalna, politički neovisna organizacija koja se, u proširenoj Evropi i također na bazi Lisabonskog ugovora, bavi pitanjem dopuštanja regijama i općinama veći stepen važnosti, smanjuje postojeće deficite informacija, bavi se širokim spektrom pitanja i pokušava iskoristiti ekonomski potencijal regionalne te međuregionalne saradnje između evropskih regija. Važni aspekt bit će mreža između regija, općina i drugih oblasti javne aktivnosti kao i ekonomije za postizanje njihovih interesa.



Park Petar Kočić, Muzički paviljon



23. maja/svibnja u Banja Luci će biti organizovana manifestacija IRE – Dan Evrope. Radi se o aktivnom dijalogu sa građanima, članovima parlamenta, predstavnicima lokalnih i regionalnih vlasti u BiH



European Week of
Regions and Cities



**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

seminar „Općinske
platforme za lokalni
strateški razvoj” će se
održati od 20. avgusta/
kolovoza do 13. septembra/
rujna 2012. godine



Israel's Agency for International
Development Cooperation
Ministry of Foreign Affairs

10 EVROPSKA SEMICA REGIONA I GRADOVA



Brussels 08. – 11.10.2012

U desetogodišnjoj istoriji ovog događaja ove godine sa prijavilo najviše učesnika. Ukupno 219 regiona i gradova iz 33 države prijavljeno je za OPEN DAYS 2012.

Zemlja sa najviše prijavljenih regija i gradova je Francuska (28), a slijede Poljska i Španjolska sa po 20 iz svake, Italija 18, Njemačka 13, Nizozemska i Velika Britanija po 12 iz svake. Od 27 zemalja članica EU učešće je prijavilo 25 (nedostaje: Grčka i Litva), zatim pet zemalja kandidata (Hrvatska, Makedonija, Crna Gora, Srbija, Turska), jedan potencijalni kandidat (Bosna i Hercegovina) te Norveška i Švicarska.

Iz Bosne i Hercegovine prijavljeno je tri učesnika: Hercegovačko-neretvanski kanton, Sarajevski kanton i Republika Srpska kao makroregija

Listu svih prijavljenih možete pogledati [OVDJE](#).

SEMINAR – OPĆINSKE PLATFORME ZA LOKALNI STRATEŠKI RAZVOJ

Izrael, 20.08. – 13.09.2012

Ministarstvo vanjskih poslova Izraela je, putem Ambasade Bosne i Hercegovine u Tel Avivu, uputilo poziv za učešće stručnjaka iz Bosne i Hercegovine na seminaru „Općinske platforme za lokalni strateški razvoj” („Municipal Platforms for Local Strategic Development”) koji će se održati od 20. avgusta/kolovoza do 13. septembra/

rujna 2012. godine, u Weitz centru za razvojne studije u Rehovotu, Izrael.

Seminar je organizovan od strane MASHAV-a (Agencije za međunarodni razvoj i saradnju pri MVP Izraela) u saradnji sa Weitz centrom za razvojne studije (CERUR).

Izraelska strana snosi troškove boravka učesnika (smještaj, lokalni transport, školarina) dok učesnici sami snose troškove povratne avio karte.

Informacije o seminaru se mogu naći na web stranici: <http://www.weitz-center.org/mashav-courses-2012.html>



Aplikacioni obrazac se može naći na web stranici: mashav.mfa.gov.il (na Contact Us - Information and Registration).

Kompletiranu aplikaciju potrebno je najkasnije do 06. jula/srpnja 2012. godine dostaviti direktno na adresu:

**Ministry of Foreign Affairs
MASHAV Study Programs
P.O. Box 34140, Jerusalem 91341
Israel**

Kopiju popunjenog aplikacionog obrasca potrebno je poslati na sljedeće adrese: ronitsph@netvision.net.il i dino@sogfbih.ba

**Savez općina i gradova Federacije
Bosne i Hercegovine**

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

www.sogfbih.ba

IZDATA NOVA KNJIGA - KONKURENTNOST LOKALNE ZAJEDNICE KROZ RAZVOJ PRIVREDE I E-UPRAVE

Knjiga „*Konkurentnost lokalne zajednice kroz razvoj privrede i e-Uprave*” autora mr. sc. Ismete Mameledžije i mr. sc. Ismara Hadžiosmanovića je izdata u martu/ožujku 2012. godine. U prvom dijelu sadržani su teoretski pregledi razvoja malih i srednjih preduzeća i stanja javne uprave sa akcentom na e-Upravu, a u drugom dijelu prezentirana su metodološka istraživanja koja su provedena u sve četiri gradske općine, Gradu i Kantonu Sarajevo, te primjenjeni, prezentirani i analizirani rezultati istraživanja SMEs kao i stepena implementacije e-Uprave, kao i date preporuke i implikacije za buduće politike. Takođe u knjizi su navedeni i primjeri dobre prakse u zemljama EU.

Nestabilnost vlade, nestabilne politike i neefikasna vladina birokratija drže vrh najproblematičnijih faktora poslovanja u Bosni i Hercegovini. Transformacija javne uprave u pravcu intenzivne i široke primjene informaciono-komunikacionih tehnologija (ka e-Upravi) jedan je od ključnih segmenata sveukupnog procesa izgradnje informacionog društva. Knjiga je namijenjena uposlenicima u javnoj upravi, lokalnim zajednicama, studentima ali i građanima kao korisnicima javnih usluga.

Autori: mr. sc. Ismeta Mameledžija i mr. sc. Ismar Hadžiosmanović

Izdaje i štampa: Dobra knjiga, Sarajevo

Broj strana: 267

Vrsta uveza: Tvrdi uvez

Veličina: 170 x 235

Recenzenti: akademik prof. Dr. Muris Čičić, prof. dr. Mirko Pejanović i prof. dr. Nijaz Bajgorić

Cijena: 25,00 KM

Za narudžbe možete kontaktirati autore na: ina_99@hotmail.com

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

